

ZAKON
O STRANIM ULAGANJIMA
(“Službene novine Federacije BiH”, broj 61/01 i 50/03)

IZVOD

Zakonom o stranim ulaganjima uređena su prava, obaveze i povlastice stranih ulagača, oblici stranih ulaganja, postupak odobrenja i registracije i određeni organi nadležni za odobrenje i registraciju stranih ulaganja u Federaciji BiH.

Na pitanja koja nisu uređena ovim zakonom primjenjuju se odredbe Zakona o politici direktnih stranih ulaganja u Bosni i Hercegovini (“Službeni glasnik BiH”, broj 17/98 i 13/03).

Strani ulagač ima pravo da investira i reinvestira dobit iz takvih ulaganja u bilo koji sektor privrednih i neprivrednih djelatnosti, pod istim uslovima kao i domaći ulagači. Izuzetak je kod ulaganja u glavnice privrednog društva koje se bavi proizvodnjom i prodajom oružja, municije i vojne opreme, eksploziva za vojnu upotrebu i javnog informisanja. Takvi ulozi ne mogu preći 49% od glavnice u tom privrednom društvu.

Bilo kakva naknadno uvedena ograničenja na osnivačka prava stranih lica, ne proizvode pravne posljedice.

Strani ulagač ima jednaka vlasnička prava na nepokretnostima kao domaća pravna ili fizička lica.

Strana ulaganja neće biti nacionalizovana, eksproprisana ili podvrgnuta sličnim mjerama osim u javnom interesu.

Strana ulaganja su oslobođena plaćanja carine i carinskih obaveza, isključujući carinsko evidentiranje, u skladu sa odredbama Zakona o carinskoj politici.

Oblici stranih ulaganja:

1. osnivanje pravnog lica u potpunom vlasništvu stranog ulagača,
2. osnivanje pravnog lica u zajedničkom vlasništvu domaćeg i stranog ulagača,
3. ulaganje u postojeće pravno lice,
4. posebni oblici ulaganja.

Prava i povlastice stranog ulagača i obaveze po osnovu ovog zakona ne mogu biti ukinute ili poništene stupanjem na snagu naknadno donesenih zakona i drugih propisa.

Ovaj zakon je objavljen 31. decembra 2001. godine, a stupio je snagu 8. januara 2002. godine. Izmjene i dopune ovog zakona objavljene su 10. oktobra 2003. godine, a Zakon je stupio na snagu 11. oktobra 2003. godine.